

Naalakkersuisut siulittaasuat

Landsstyreformanden



Inatsisartunut ilaasortaq Anthon Frederiksen  
c/o Inatsisartut Allattoqarfiat  
Maani

## Royal Greenlandip amigartooruteqarnera aamma Qaanaap kommuniani piniartunut tapiissuteqarnissamut periarfissat pillugit Naalakkersuisunut apeqqutit

Inatsisartut suleriaasianni § 36, imm. 1 malillugu apeqqutit ulloq 12. april 2008 tiguneqarsimasut matumuuna akissuteqarfigissavakka.

1. Royal Greenland-ip amigartooruteqarnera pillugu Naalakkersuisut qanoq iliuuseqarniarpat ?
2. Piniartut Qaanaap kommunianeersut pisortanit ikiorserneqarsinnaanerit pillugu Naalakkersuisut qanoq iliuuseqarniarpat ?

### 1 pillugu:

Naalakkersuisut Royal Greenlandip amigartoorutai eqqarsaatigalugit periarfissanik immikkut ittunik iliuuseqarniarsimangillat. Naalakkersuisut Nunami Namminermit Pissutsinut aamma Ingerlatseqatigiiffinnut Immikkoortortaqarfik peqatigalugu Namminersornerullutik Oqartussat ingerlatseqatigiiffinut tamanut oqaloqateqartarput. Pingaarnermik Namminersornerullutik Oqartussat aningaasarsionnikkut ajornartorsiorneq ingerlatseqatigiiffiillu akiligassaqalersimani pissutigalugit ingerlatseqatigiiffinnut aningaasaqarnikkut annertuumik ajornartorsiulersinnaasunut oqaloqateqartarput.

Royal Greenlandimullu tunngatillugu pissutsit qanimut malinnaaffigineqarput.

### 2 pillugu.

Apeqquut Aalisarnermut, Piniarnermut Nunalerinermullu Naalakkersuisoqarfimmut saqqummiunneqarmat imatut akineqarpoq:

"Aalisarnermut, Piniarnermut Nunalerinermullu Naalakkersuisoqarfik ukioq manna decembarip 3-anni Qaanaap kommuniani Siorapalunni piniartut novembarimi decembarimilu aningaasatigut tapiiffigineqarnissartik pillugu qinnuteqaataannut imaattumik akissuteqarput;

"... Piniartut peqatigiiffianit erseqqissarneqarpoq ukiup taamaalinerani ilaatigut kaperlanneranik pissuteqartumik aammalu immap sikusimanginnera pissutaalluni ukiup taamaalinerani sikukkut piniariartoqartaraluartoq piniariarnissamut

19. december 2008  
Sags nr.  
2008-014282  
Dok. nr. 123623  
Postboks 1015  
3900 Nuuk  
Oq/tel +299 34 50 00  
Fax +299 32 50 02  
govsec@gh.gl  
www.nanoq.gl

periarfissaqanngitsoq. Qaammatini marlunni inuussutissarsiutigalugu piniartooq ataaseq minnerpaamik 5.000 kr.-inik tapiiffigineqarnissaa qinnuteqaataavoq. PINIARNEQ 2008-mut piniartut ataasiakkaat akiliuteqarnerannut uppermarsaatit assilineri 17-it ilanngullugit nassiunneqarput.

Aalisarnermut, Piniarnermut Nunalerinermullu Naalackersuisoqarfimmit nalunaarutigineqassaaq 2008-mi inuussutissarsiutigalugu piniarnermut taamatut aningaasatigut tapiissuteqarnissamut 2008-mut 2009-mullu aningaasanut inatsimmi aningaasanik immikkoortitsisoqarsimanngimmat. Naalackersuisut 2008-mi upernaakkut aningaasaqarnermut ataatsimiititaliamut nalunaaruteqarput 2008-mi piniartut tapiiffigineqarnissaat pillugu qinnuteqartoqarnianngitsoq. Tamannalu Naalackersuisut aalajangiusimavaat.

Taarsiullugu Pisortanit ikiorsiissutit pillugit Inatsisartut peqqussutaat nr. 15, 20. november 2006-imeersoq malillugu pisortanit ikiorsiissutinut inatsit nutaaq 2006-imeersoq takoqquneqarpoq. Peqqussummi tassani anguniagaavoq inuit tamarmik Kalaallit Nunaanni najugaqartut allatullu imminnut ikiorsinnaanngitsut aningaasatigut assigiinngitsutigut isumannaallisaaffigineqarnissaat, tamannalu aamma isumaqarpoq piniartut immikkut ittumik ajornartorsionerminni pisortanit ikiorsiissutinik qinnuteqarnissaminnut periarfissaqarnissaat.”

Akissutigineqartup assilineri KNAFK-mut KANUKOKA-mullu nassiunneqarpoq.

Inussiarnersumik inuulluaqqusillunga

Hans Enoksen